



AKTUELNOSTI

Rezultati analize Transparency Internationala i BIRN-a Tužilaštvu Brčko distrikta BiH najviši indeks transparentnosti (75) (Brčko, 14.7.2023. godine)

Tokom konferencije Transparency Internationala u BiH i BIRN-a BiH o stanju u pravosuđu, održanoj juče u Sarajevu, predstavljena je online platforma "Indeks pravosuđa", koja sadrži rezultate indeksa transparentnosti sudova i tužilaštava u Bosni i Hercegovini, kao i informacije o predmetima korupcije i organiziranog kriminala.

Prema rezultatima analize TI-a i BIRN-a, među tužilaštvima u BiH Tužilaštvo Brčko distrikta BiH ostvarilo je najveći opći indeks transparentnosti: ukupno 75. Indeks proaktivne transparentnosti ovog tužilaštva iznosi 29/52, transparentnost prema medijima ocijenjena je sa 16, od maksimalno mogućih 18 indeksnih poena, dok su najbolji rezultati ovog tužilaštva ostvareni na polju reaktivne komunikacije, u primjeni Zakona o slobodi pristupa informacijama: 30 od 30. Tužilaštvo Distrikta s jednakom efikasnošću i na najpristupačniji način dostavlja informacije građanima i svim zainteresiranim subjektima.

U okviru monitoringa transparentnosti pravosuđa tretirana su četiri segmenta: koliko institucije objavljuju informacija na internet stranicama, kako odgovaraju na obične upite medija, kako reaguju na upite po Zakonu o slobodi pristupu informacijama i kako odgovaraju građanima.

Već nekoliko godina, praćenje i mjerenje rezultata rada tužilaštava u BiH u oblasti odnosa s javnošću vrši i Visoko sudsko i tužilačko vijeće BiH. Analize Vijeća jednako pokazuju da Tužilaštvo Distrikta, kako po kriteriju količine javno dostupnih informacija i komunikacijskih servisa, tako i po kriteriju kvaliteta za građane sačinjenih informacija, ostvaruje konstantne iskorake i najbolje rezultate u BiH. Takođe, ovo tužilaštvo nosilac je posebnog priznanja za doprinos transparentnosti pravosuđa za 2022. godinu, koje je USAID-ov projekat *Pravosuđe protiv korupcije* dodijelio Samiru Beganoviću, sekretaru i službeniku za informisanje Tužilaštva Brčko distrikta BiH.

Rezultati analize transparentnosti izrađene od strane TI-a i BIRN-a odnose se na 2022. godinu, a dostupni su za sve pravosudne institucije na sljedećem linku:
<https://indekspravosudja.ba/>

ZAMJENIK GLAVNOG TUŽIOCA

VLADIMIR TEPAVČEVIĆ